

## 梁惠王章句上

1 - 1

孟子見梁惠王。王曰：“叟不遠千里而來，亦將有以利吾國乎？”

孟子對曰：“王何必曰利？亦有仁義而已矣。不仁者焉知仁義？必仁者乎！何謂仁？明覺之己也，独然无对，廓然无外，一切皆是自己。何謂仁者？覺仁者也，或曰覺者。否曰不仁者，或曰不覺者，人也。何謂義？仁之發明，人事物之處宜也。王曰‘何以利吾國？’大夫曰‘何以利吾家？’士庶人曰‘何以利吾身？’吾國、吾家、吾身，人皆以為私有之物。私與公對，皆在外也。仁者無私，含蘊、化育、成就一切，故亦非公，渾然一己，一體同仁。上下交征利而國危矣。人既有私，趨利避害，必交征利也。萬乘之國弑其君者，必千乘之家；千乘之國弑其君者，必百乘之家。萬取千焉，千取百焉，不為不多矣。苟為後義而先利，不奪不饜。義本仁，在己；利在物，在外；義利不可比也。義必非利，利必非義。仁者唯義，故不奪；人必唯利，无何止也。未有仁而遺其親者也，仁者无外，不遺一切。人有其外，亲其所亲，亲亦外也。未有義而後其君者也。仁者自主，始终南面，惟義是行。君，義之名也；后其君，義之行也。王亦曰仁義而已矣，何必曰利？”